



SOS ბავშვთა
სოფელი
საქართველო

2023 წლის ფინანსური და პროგრამული ანგარიში

ასოციაცია "საქართველოს ეს-ო-ეს ბავშვთა სოფელი"

ასოციაციის “საქართველოს ეს-ო-ეს ბავშვთა სოფელი”
2023 წლის საქმიანობის პროგრამული ანგარიში

სარჩევი

შესავალი.....	2
1. ოჯახის გაძლიერების პროგრამა	2
1.1. დედათა და ბავშვთა თავშესაფარის მომსახურებები	3
1.2. ბავშვთა დღის ცენტრის მომსახურება (ასაკობრივი ჯგუფი: 1-3 წელი)	4
1.3. პროექტი - „ოჯახებისა და ახალგაზრდების გაძლიერების გზით სოციალური და ეკონომიკური განვითარების მხარდაჭერა ზუგდიდის მუნიციპალიტეტში“	4
1.4. ბავშვთა ადრეული განვითარების პროგრამა	5
1.5. პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“	5
2. ალტერნატიული ზრუნვა	6
2.1. მცირე საოჯახო სახლები	7
2.2. ახალგაზრდების განვითარების პროგრამა.....	8
3. მოწყვლადი ახალგაზრდების ცხოვრებისეული, მეწარმეობისა და დასაქმებისთვის საჭირო უნარების განვითარების მხარდაჭერა.....	9
3.1. პროექტი „ახალგაზრდების თვითგამორკვევის, კეთილდღეობისა და დასაქმების ხელშეწყობა“	9
4. ადვოკატირება	10

ასოციაცია „საქართველოს ეს-ო-ეს ბავშვთა სოფელი“
2023 წლის ფინანსური ანგარიში

ასოციაციის „საქართველოს ეს-ო-ეს ბავშვთა სოფელი“ ბალანსი 2023 წლის 31 დეკემბრის მდგომარეობით.....	11
ასოციაციის „საქართველოს ეს-ო-ეს ბავშვთა სოფელი“ საქმიანობის ფინანსური შედეგების ანგარიშგება 2023 წლის 31 დეკემბრის მდგომარეობით.....	12
ასოციაციის „საქართველოს ეს-ო-ეს ბავშვთა სოფელი“ ფულადი ნაკადების მოძრაობის ანგარიშგება 2023 წლის 31 დეკემბრის მდგომარეობით.....	13

შესავალი

ასოციაცია “საქართველოს ეს-ო-ეს ბავშვთა სოფელი” არის არასამეწარმეო არაკომერციული იურიდიული პირი, რომელსაც გააჩნია საკუთარი წესდება და ჰყავს გამგეობა. ჩვენი ასოციაცია მოქმედებს საერთაშორისო ორგანიზაციის, კერძოდ კი SOS Children’s Villages International-ის წესდებისა და პრინციპების შესაბამისად, რომელსაც მსოფლიოს 118 ქვეყანაში ჰყავს წევრი ორგანიზაცია ეროვნული ასოციაციების სახით.

ორგანიზაციის ძირითად საქმიანობას წარმოადგენს მიტოვების რისკის წინაშე მყოფი და მშობელთა მზრუნველობას მოკლებული ბავშვებისა და ახალგაზრდების სოციალური ფუნქციონირების გაუმჯობესება და მათი კეთილდღეობის მხარდაჭერა.

ასოციაცია “საქართველოს ეს-ო-ეს ბავშვთა სოფელი” 1989 წლიდან საქმიანობს საქართველოში. ორგანიზაციის მიზანია, ოჯახის მხარდამჭერი და ალტერნატიული მომსახურებების შეთავაზებით, მიტოვების რისკის წინაშე მყოფი და მშობელთა მზრუნველობას მოკლებული ბავშვებისა და ახალგაზრდების მზრუნველ და ოჯახურ გარემოში აღზრდის ხელშეწყობა, რაც თავის მხრივ ხელს უწყობს მათ ჯანსაღ პიროვნებად ფორმირებასა და საზოგადოებაში ინტეგრაციას.

ყველა მიმართულება, რომელიც ხორციელდება საქართველოში ჩვენი ასოციაციის მიერ სხვადასხვა პროგრამისა თუ პროექტის სახით, სრულად პასუხობს გაეროს ბავშვის უფლებათა კონვენციის პრინციპებს, საქართველოს კანონს - «ბავშვის უფლებათა კოდექსი» და ბავშვთა კეთილდღეობის პოლიტიკას, რაც გახდა საფუძველი იმისა, რომ ჩვენი ორგანიზაცია მჭიდროდ თანამშრომლობს როგორც საქართველოს მთავრობასთან, ისე საერთაშორისო და ადგილობრივ არასამთავრობო ორგანიზაციებთან, საზოგადოებრივ ინსტიტუტებთან და კერძო სექტორთან.

1. ოჯახის გაძლიერების პროგრამა

თბილი, მზრუნველი და მოსიყვარულე ოჯახი მნიშვნელოვანია ბავშვის ფიზიკური, კოგნიტური, ფსიქო-ემოციური და სოციალური განვითარებისთვის. თითოეული ბავშვისთვის აუცილებელია ოჯახი უზრუნველყოფდეს ისეთ გარემოს, რომელიც ხელს უწყობს მის ჯანსაღ განვითარებას. შესაბამისად, ოჯახის გაძლიერების პროგრამის მთავარი მიზანია, სოციალურად დაუცველი ბავშვებისა და მათი მშობლების დახმარება, რათა შესაძლებელი გახდეს ბავშვების აღზრდა-განვითარება უსაფრთხო და მზრუნველ ოჯახურ გარემოში. ოჯახის გაძლიერების პროგრამა ფუნქციონირებს თბილისში, სამეგრელო-ზემო სვანეთის, იმერეთის, გურიისა და კახეთის რეგიონებში.

ოჯახის გაძლიერების პროგრამის მიზნობრივ ჯგუფს წარმოადგენენ 0-18 წლამდე ბავშვები და მათი მშობლები, რომლებიც სხვადასხვა სოციალური ფაქტორების გამო საჭიროებენ მხარდაჭერასა და დახმარებას.

ოჯახის გაძლიერების პროგრამა, სამიზნე ჯგუფის ბენეფიციარებს სთავაზობს სხვადასხვა სახის მომსახურებას, როგორიცაა ფსიქო-სოციალური მხარდაჭერა, დასაქმებასა და თვითდასაქმებაში დახმარება.

პროგრამის მიზნებიდან და ამოცანებიდან გამომდინარე, 2023 წელს (დეკემბრის მდგომარეობით) პროგრამის სოციალური მუშაკების მიერ, თბილისის, ქუთაისის, ზუგდიდის, ოზურგეთისა და თელავის მუნიციპალიტეტებში დახმარება გაეწია 0–18 წლამდე ასაკის 1708 ბავშვს, ახალგაზრდასა და მშობელს.

2023 წელს, ოჯახების გაძლიერების პროგრამის ფარგლებში, ორგანიზებული იყო გარე პროფესიული სუპერვიზია, როგორც სოციალური მუშაკებისთვის, ისე ფსიქოლოგებისთვის. აღნიშნული მიდგომის გამოყენებამ ხელი შეუწყო პროექტის ეფექტურობა-ეფექტიანობის გაზრდას; გარდა ამისა, შესაძლებელი გახდა არაერთი საგანმანათლებლო ტრენინგის ორგანიზება, თანამშრომელთა პროფესიული განვითარების მხარდასაჭერად.

1.1. დედათა და ბავშვთა თავშესაფარის მომსახურებები

ოჯახის გაძლიერების პროგრამის ფარგლებში, თბილისსა და ქუთაისში 2023 წელს ფუნქციონირებდა ოთხი დედათა და ბავშვთა თავშესაფარი.

აღნიშნული მომსახურების მიზანია უზრუნველყოს მიტოვების რისკის წინაშე მყოფი ბავშვების დედებისა (მარტოხელა მშობლები) და მათი 10 წლამდე ასაკის შვილების მხარდაჭერა, კერძოდ კი თავშესაფრის შეთავაზება და სხვადასხვა სახის ინტერვენციების მიწოდება, მათი სოციალური ფუნქციონირების აღდგენა-გაუმჯობესებისთვის.

დედათა და ბავშვთა თავშესაფრები განვითარდა საქართველოს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროსთან თანამშრომლობით და იგი ჯამში გათვალისწინებულია 60 ბენეფიციარის მხარდაჭერაზე (შენიშვნა: ბენეფიციარში მოიაზრება მარტოხელა დედები და მიტოვების რისკის წინაშე მყოფი მათი მცირეწლოვანი შვილები).

თბილისსა და ქუთაისში არსებული დედათა და ბავშვთა თავშესაფრის მომსახურებები ფოკუსირებულია ბავშვთა მიტოვების პრევენციაზე და ხელს უწყობს თავშესაფარში მცხოვრები დედების გაძლიერებას, რათა მათ თავშესაფრიდან გასვლის შემდგომ დამოუკიდებლად შეძლონ უსაფრთხო გარემოში საკუთარ შვილებზე სათანადოდ ზრუნვა.

თავშესაფარში განთავსებული ბენეფიციარები იღებენ შემდეგი სახის მომსახურებებს:

- ♦ 24 საათიანი/სადღღამისო ზრუნვა
- ♦ ჯანსაღი საკვები პროდუქტებით უზრუნველყოფა
- ♦ ასაკის, სქესისა და სეზონის შესაბამისი სამოსით უზრუნველყოფა
- ♦ პირადი ჰიგიენისათვის აუცილებელი ნივთებით უზრუნველყოფა
- ♦ საჭიროების შემთხვევაში, ამბულატორიული და სტაციონარული სამედიცინო მომსახურების ორგანიზება
- ♦ ადგილზე პედიატრის, ექთანისა და ძიძის მომსახურება
- ♦ პრენატალური ზრუნვა
- ♦ ფსიქო-სოციალური მხარდაჭერა
- ♦ დედების ბავშვზე ზრუნვის უნარ-ჩვევების განვითარებაში ხელშეწყობა
- ♦ დედებისათვის პროფესიული და არაფორმალური განათლების მიღების ხელშეწყობა
- ♦ თანადგომის ქსელის გაძლიერება
- ♦ დედების დასაქმებაში ხელშეწყობა.

პროფესიული განათლების მიღების, დასაქმებასა და თვითდასაქმებაში დახმარების მიზნით, ბენეფიციარებს მათი ინტერესებისა და შესაძლებლობების გათვალისწინებით, გაეწიათ სხვადასხვა ტიპის მხარდაჭერა.

თავშესაფრის ბენეფიციარებთან, მათი გაძლიერების მიზნით, პერმანენტულად ტარდებოდა სხვადასხვა სახის ინტერვენციები, როგორიცაა: ფსიქოლოგიური მხარდაჭერა, ფსიქო-ემოციური მდგომარეობის სტაბილიზაციის მიზნით; ინდივიდუალური და ჯგუფური კონსულტაციები მშობლის უნარ-ჩვევების, პიროვნული ზრდის, ტრავმასთან გამკლავებისა და ურთიერთობების დროს არსებული სირთულეების დაძლევის კუთხით. გარკვეული პერიოდულობით მოწვეული სპეციალისტები ონლაინ ფორმატით ატარებდნენ საინფორმაციო შეხვედრებს სამართლებრივ და ჯანსაღი ცხოვრების წესის საკითხებზე.

თბილისისა და ქუთაისის ოჯახის გაძლიერების პროექტების სოციალური მუშაკების მხარდაჭერით, აქტიურად მიმდინარეობდა თავშესაფრების ბენეფიციარების თანადგომის ქსელთან მუშაობა; გარდა ამისა, ისინი სხვადასხვა თემაზე ატარებდნენ ადვოკატირების ღონისძიებებს სხვადასხვა უწყებასთან (სამთავრობო და არასამთავრობო) თანამშრომლობით.

1.2. ბავშვთა დღის ცენტრის მომსახურება (ასაკობრივი ჯგუფი: 1-3 წელი)

ქუთაისის ოჯახის გაძლიერების პროექტის განუყოფელი ნაწილია 1-დან 3 წლამდე ასაკის ბავშვთა დღის ცენტრის მომსახურება.

2023 წელს, 1-დან 3 წლამდე ასაკის ბავშვთა დღის ცენტრის ფარგლებში მომსახურება გაეწია 20 მცირეწლოვან ბავშვს.

ნიშანდობლივია აღინიშნოს ის, რომ დღის ცენტრის მომსახურების თანადაფინანსებას უზრუნველყოფს ქ. ქუთაისის მერია, რომელიც პროექტის მდგრადობის უზრუნველყოფის ნაწილში ა(ა)იპ ასოციაცია „საქართველოს ეს-ო-ეს ბავშვთა სოფლისთვის“ გახლავთ ერთ-ერთი მინიშვნელოვანი პარტნიორი.

1.3. პროექტი „ოჯახებისა და ახალგაზრდების გაძლიერების გზით სოციალური და ეკონომიკური განვითარების მხარდაჭერა ზუგდიდის მუნიციპალიტეტში“

2023 წელს დაიწყო და წარმატებით მიმდინარეობდა ავსტრიის განვითარების სააგენტოსა და ავსტრიის ეს-ო-ეს ბავშვთა სოფლის მიერ დაფინანსებული 36 თვიანი [2023-2025] პროექტის - „ოჯახებისა და ახალგაზრდების გაძლიერების გზით სოციალური და ეკონომიკური განვითარების მხარდაჭერა ზუგდიდის მუნიციპალიტეტში“ განხორციელება, რომლის ფარგლებშიც ბენეფიციარ ბავშვებს, ახალგაზრდებსა და მათ ოჯახებს (მშოლებს) მიეწოდათ ოჯახის მხარდამჭერი სხვადასხვა მომსახურება, როგორიცაა სოციალური სამუშაო, ფსიქოლოგიური დახმარება, პროფესიული განვითარებისა და დასაქმების ხელშეწყობა, სოფლის მეურნეობის განვითარება და საგანმანათლებლო საჭიროებების დაკმაყოფილება.

პროექტის მიმდინარეობისას განსაკუთრებული აქცენტი კეთდებოდა გენდერული თანასწორობის საკითხებზე, ასევე, სახელმწიფო (ზუგდიდის მუნიციპალიტეტის მერია, შსს

ადგილობრივი უწყება, საჯარო სკოლები და ა.შ.) და სამოქალაქო საზოგადოების ორგანიზაციების გაძლიერებაზე.

პროექტის ფარგლებში, 2023 წელს ასევე ფუნქციონირებდა დღის ცენტრი, სადაც ჩართული იყო 20 ბავშვი (ბავშვთა ასაკობრივი ჯგუფი: 6-18). აღნიშნულმა მომსახურებამ მნიშვნელოვანი დახმარება გაუწია სოციალურად დაუცველ ბენეფიციარ ბავშვებს სოციალური ფუნქციონირების აღდგენა-გაუმჯობესებაში. დღის ცენტრის მომსახურება რეგისტრირებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ და შესაბამისად, პროექტის ფარგლებში არის ცენტრალური მთავრობის მიერ განსაზღვრული ვაუჩერული დაფინანსება.

პროექტის ფარგლებში 2023 წელს (1-ლი წელი) შესაძლებელი გახდა 148 ბენეფიციარი ბავშვისა და მშობლის დახმარება (სულ 40 ოჯახი).

1.4. ბავშვთა ადრეული განვითარების პროგრამა

ოჯახის გაძლიერების პროექტის ფარგლებში, თბილისში, ასევე, ქუთაისის, ხონის, წყალტუბოსა და ზუგდიდის მუნიციპალიტეტებში წარმატებით განხორციელდა ბავშვთა ადრეული განვითარების პროგრამა.

ბავშვთა ადრეული განვითარების პროგრამა დაფინანსებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს მიერ, სოციალური რეაბილიტაციისა და ბავშვზე ზრუნვის სახელმწიფო პროგრამის ფარგლებში. პროგრამა განკუთვნილია 0-7 წლამდე ასაკის განვითარების შეფერხების ან ამ მხრივ რისკის მქონე ბავშვებისა და მათი ოჯახებისათვის. აღნიშნული მომსახურება გულისხმობს ბავშვის განვითარების ხელშეწყობას და მშობლობის უნარების გაძლიერებას. პროგრამა სრულად ფინანსდება სახელმწიფოს მიერ.

2023 წელს (დეკემბრის მდგომარეობით), თბილისის, ასევე, ქუთაისის, ხონის, წყალტუბოსა და ზუგდიდის მუნიციპალიტეტებში ბავშვთა ადრეული განვითარების პროგრამის ფარგლებში ლიცენზირებული პროგრამით გადამზადებულმა ადრეული განვითარების სპეციალისტებმა დახმარება გაუწიეს 116 ბავშვს.

1.5. პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“

2023 წლის 31 დეკემბერს დასრულდა გერმანიის ეკონომიკური თანამშრომლობისა და განვითარების ფედერალური სამინისტროსა და ჰერმან გმაინერის გერმანიის ფონდის მიერ დაფინანსებული 39 თვიანი პროექტი - „გაუმჯობესებული ბავშვთა დაცვის სისტემა გურიისა და კახეთის რეგიონებში“.

პროექტი მიზნად ისახავდა გურიისა (ოზურგეთის მუნიციპალიტეტი) და კახეთის (თელავის მუნიციპალიტეტი) რეგიონების თემში მცხოვრები სოციალურ-ეკონომიკურად მოწყვლადი ბავშვებისა და მათი ოჯახების გაძლიერება ბავშვთა დაცვის სტრუქტურების ეფექტურობის გაზრდით.

საქართველოს ეს-ო-ეს ბავშვთა სოფელს პარტნიორობას უწევდნენ ადგილობრივი არასამთავრობო ორგანიზაციები - „ახალგაზრდა პედაგოგთა კავშირი“ და „კახეთის სამხარეო განვითარების ცენტრი“.

2023 წელს, პროექტის ფარგლებში, დახმარება გაეწია 380 ბავშვსა და მათ მშობელს (76 ოჯახი). გარდა ამისა, 2023 წელს პროექტში ჩართული იყო 164 მასწავლებელი და 39 მოსწავლე.

2020 წლის 1 დეკემბრიდან 2023 წლის 31 დეკემბრის ჩათვლით, პროექტი მთლიანობაში მოემსახურა 1042 ბავშვს, 149 მშობელს, 473 მასწავლებელს, 24 სკოლას, ბავშვთა დაცვის 74 ადგილობრივ სპეციალისტს.

შეიქმნა არაერთი საგანმანათლებლო რესურსი, მათ შორის საინფორმაციო ვიდეორგოლები და ბროშურები ბავშვთა უფლებებისა და ბავშვთა შრომის შესახებ. გაიმართა დისკუსიები, ასევე, გავრცელდა ვიდეორგოლები 19 რეგიონული და 2 ცენტრალური ტელევიზიის, აგრეთვე, სოციალური მედიის მეშვეობით. ბავშვთა შრომისა და ბავშვთა დაცვის შესახებ ინფორმირებულია საქართველოში მცხოვრები მინიმუმ 226 000 ადამიანი.

კრიზისული ოჯახების გაძლიერების მიზნით მშობლები და ბავშვები ჩაერთვნენ პოზიტიური მშობლობისა და ბავშვთა უფლებების, მცირე ბიზნესის წარმოების, ბიზნეს გეგმების მართვის, დასაქმებისათვის აუცილებელი უნარების განვითარებასთან დაკავშირებულ ტრენინგში, გარდა ამისა, მიიღეს სახელობო განათლება და შეიძინეს პროფესია სხვადასხვა პროფესიული კურსის მეშვეობით.

ეკონომიკური გაძლიერების პროგრამაში ჩაერთო 129 ოჯახი. 50 ოჯახს გადაეცა აგრო გრანტი და მიიღეს ექსპერტთა მხარდაჭერა სტარტაპისთვის. 53 ოჯახის შემოსავალი გაიზარდა 20%-ზე მეტით (საშუალოდ 39,5%).

ბავშვთა დაცვის ადგილობრივმა სპეციალისტებმა აიმაღლეს კომპეტენცია კრიზისში მყოფი ოჯახების საჭიროებების შეფასებისა და ინტერვენციების განხორციელების მიმართულებით.

ადგილობრივმა მუნიციპალიტეტებმა გაიზიარეს პროექტის გამოცდილება და დანერგეს ადგილობრივი სოციალური პროგრამები კრიზისში მყოფი ბავშვიანი ოჯახების მხარდაჭერის მიზნით.

2. ალტერნატიული ზრუნვა

ყველა ბავშვის უფლებაა იზრდებოდეს მზრუნველ, ოჯახურ გარემოში. თუმცა იმ შემთხვევაში, როცა ბიოლოგიურ ოჯახში ბავშვის აღზრდა შეუძლებელია, საჭირო ხდება მზრუნველობამოკლებული ბავშვისთვის ალტერნატიული მომსახურების მიწოდება. სწორედ ამ მიზნით, ასოციაცია „საქართველოს ეს-ო-ეს ბავშვთა სოფელი“ ალტერნატიული ზრუნვის ფარგლებში, მშობელთა მზრუნველობას მოკლებულ ბავშვებს სთავაზობს ოჯახთან მიახლოებულ, მზრუნველ და უსაფრთხო გარემოს, რომელიც ხელს უწყობს მათ ჯანსაღ პიროვნებად ჩამოყალიბებას, მათი სოციალური უნარების განვითარებასა და საზოგადოებაში ინტეგრაციის პროცესს.

ალტერნატიული ზრუნვის ფარგლებში, ასოციაციის მიზანია მშობელთა მზრუნველობას მოკლებულ ბავშვებს/ახალგაზრდებს დაეხმაროს საკუთარი მომავლის ფორმირებაში. შესაბამისად, ბენეფიციარებს საშუალება ეძლევათ ოჯახთან მიახლოებულ გარემოში ჩამოაყალიბონ მყარი ურთიერთობები და მათი ინტერესებისა და ნიჭის გათვალისწინებით, გამოავლინონ საკუთარი შესაძლებლობები; გარდა ამისა, მიიღონ განათლება, გაიღრმავონ პრაქტიკული ცოდნა და გახდნენ საზოგადოების სრულფასოვანი წევრები.

ალტერნატიული ზრუნვის ფარგლებში, ორგანიზაცია მზრუნველობამოკლებულ ბავშვებს/ახალგაზრდებს სთავაზობს შემდეგ მომსახურებებს: მცირე საოჯახო სახლები და ახალგაზრდების განვითარების პროგრამა, კერძოდ, ახალგაზრდული საცხოვრისები, ახალგაზრდების მეთვალყურეობითი ზრუნვისა [Supervised Independent Living] და დამოუკიდებელი ცხოვრების ქვეპროგრამები.

2.1. მცირე საოჯახო სახლები

მცირე საოჯახო სახლის დანიშნულებაა ბავშვის განვითარებაზე ორიენტირებული, ოჯახთან მიახლოებული გარემოს შექმნა. აღნიშნული გარემო ბავშვს აძლევს შესაძლებლობას ჰქონდეს ბედნიერი ბავშვობა, დაეუფლოს სოციალურ უნარ-ჩვევებს, მიიღოს განათლება და ეტაპობრივად მოემზადოს დამოუკიდებელი ცხოვრებისათვის.

მცირე საოჯახო სახლში თითოეულ ბავშვს ჰყავს აღმზრდელ(ებ)ი, რომლებიც ზრუნავენ მათზე და უქმნიან მას უსაფრთხო, სტაბილურ და სიყვარულით სავსე გარემოს. ბიოლოგიური დედამიწვილები აუცილებლად ერთსა და იმავე მცირე საოჯახო სახლში იზრდებიან.

მცირე საოჯახო სახლში მცხოვრებ ბავშვებთან გამოიყენება ინდივიდუალური მიდგომა მულტიდისციპლინარული გუნდის მიერ, რომელშიც ჩართულნი არიან სხვადასხვა სპეციალისტები (სოციალური მუშაკი, ფსიქოლოგი, აღმზრდელი, პედიატრი) და თავად ბავშვები. აღსაზრდელის ჭეშმარიტი ინტერესებისა და შესაძლებლობების გათვალისწინებით, იქმნება ინდივიდუალური განვითარების გეგმა. აღნიშნული მიდგომა ხელს უწყობს ინდივიდუალურ საჭიროებებზე დამყარებული ზრუნვის მიწოდებას თითოეული ბავშვისათვის.

გარდა საბაზისო მოთხოვნილებების დაკმაყოფილებისა, როგორცაა ჯანსაღი კვება, უსაფრთხო გარემო, განათლება და ჯანდაცვა, მცირე საოჯახო სახლის მომსახურება საშუალებას აძლევს აღსაზრდელებს მაქსიმალურად გამოავლინონ საკუთარი ნიჭი, ინტერესები და პოტენციალი, ორგანიზაცია კი, თავის მხრივ, უზრუნველყოფს აღნიშნული პოტენციალის რეალიზების ხელშეწყობას. ბავშვები ჩართულნი არიან სხვადასხვა სახის ფორმალური და არაფორმალური განათლების აქტივობებში, დასვენებისა და გაჯანსაღების, კულტურულ, შემეცნებით და სპორტულ ღონისძიებებში, სწავლობენ საკუთარი ჯიბის ფულის გამოყენებას, ეუფლებიან სოციალურ უნარებსა და ეტაპობრივად ემზადებიან დამოუკიდებელი ცხოვრებისათვის.

2023 წელს თბილისში, იმერეთის, სამეგრელო-ზემო სვანეთისა და რაჭა-ლეჩხუმისა და ქვემო სვანეთის რეგიონების სხვადასხვა მუნიციპალიტეტში ფუნქციონირებდა 15 მცირე საოჯახო სახლი და შესაბამისად, აღნიშნულ მომსახურებებში 2023 წელს (დეკემბრის მდგომარეობით) ჩართული იყო 78 მშობელთა მზრუნველობას მოკლებული ბავშვი.

2.2 . ახალგაზრდების განვითარების პროგრამა

ახალგაზრდების განვითარების პროგრამის ფარგლებში ბენეფიციარებისთვის ხელმისაწვდომია ახალგაზრდული საცხოვრისის, ახალგაზრდების მეთვალყურეობითი ზრუნვისა [Supervised Independent Living Programmes] და ბინით უზრუნველყოფის ქვეპროგრამები.

ახალგაზრდული საცხოვრისის ქვეპროგრამის მიზანია მშობელთა მზრუნველობას მოკლებული ახალგაზრდების დახმარება, მათი სრულფასოვან პიროვნებად ჩამოყალიბებისა და დამოუკიდებელი სოციალური ფუნქციონირების მიზნით.

ახალგაზრდების განვითარების პროგრამის ფარგლებში, თბილისსა (4 სახლი) და ქუთაისში (1 სახლი) ხორციელდება ახალგაზრდული საცხოვრისის ქვეპროგრამა. თბილისის შემთხვევაში 3 ახალგაზრდული საცხოვრისი რეგისტრირებულია საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს, ხოლო 1 ახალგაზრდული საცხოვრისი - თბილისის მერიის მიერ.

აღნიშნული ქვეპროგრამის ადმინისტრირებას ორივე ლოკაციაში უზრუნველყოფენ ორგანიზაციაში დასაქმებული სპეციალისტები. მცირე საოჯახო სახლების მსგავსად, ახალგაზრდული საცხოვრისის ქვეპროგრამაშიც ახალგაზრდებთან მუშაობისას გამოიყენება ზრუნვის ინდივიდუალური მიდგომა.

ახალგაზრდული საცხოვრისის ქვეპროგრამის დანიშნულებაა უზრუნველყოს ახალგაზრდების მომზადება დამოუკიდებელი ცხოვრებისათვის, ხელი შეუწყოს მათ საკუთარი შესაძლებლობებისა და პოტენციალის გამოვლენაში და სოციალური უნარების განვითარებაში. ახალგაზრდებს საშუალება აქვთ მიიღონ უმაღლესი, უმაღლეს-პროფესიული და/ან პროფესიული განათლება, დასაქმდნენ და მოემზადონ დამოუკიდებელი ცხოვრებისათვის.

რაც შეეხება ახალგაზრდების მეთვალყურეობითი ზრუნვის ქვეპროგრამას, იგი ხელმისაწვდომია იმ ახალგაზრდებისათვის, რომლებიც აკმაყოფილებენ როგორც ორგანიზაციის მიერ კონცეფციით განსაზღვრულ კრიტერიუმებს, ისე სახელმწიფო პროგრამების მოთხოვნებს (მაგ. საქართველოს მთავრობის მიერ დამტკიცებული სოციალური რეაბილიტაციისა და ბავშვზე ზრუნვის სახელმწიფო პროგრამის ფარგლებში, ახალგაზრდა უნდა სწავლობდეს უმაღლეს, უმაღლეს-პროფესიულ და/ან პროფესიულ სასწავლებელში, ან მუშაობდეს; ხოლო თბილისის მერიის მიერ განსაზღვრული პროგრამის ფარგლებში აუცილებელია ახალგაზრდა იყოს თბილისში ჩაწერილი).

ახალგაზრდების მეთვალყურეობითი ზრუნვის ქვეპროგრამის მთავარი მიზანია, ცხოვრებისეული უნარების განვითარება-დახვეწა და ახალგაზრდების დახმარება დამოუკიდებელი ცხოვრების დაწყებაში. ამ ეტაპზე ახალგაზრდა უკვე დამოუკიდებლად ცხოვრობს საკუთარ ან ორგანიზაციის ფინანსური რესურსით ნაქირავებ ბინაში. ახალგაზრდების მეთვალყურეობითი ზრუნვის ქვეპროგრამის ფარგლებში, სპეციალისტები უზრუნველყოფენ ახალგაზრდაზე ზედამხედველობას; გარდა ამისა, უწყვეტად მიმდინარეობს მათთვის მატერიალური და არამატერიალური დახმარების გაწევა.

ალტერნატიული ზრუნვის სხვადასხვა ეტაპის გავლის შემდგომ, ახალგაზრდა დამოუკიდებლად გადადის საცხოვრებლად. ამ პერიოდში წყდება მასზე პირდაპირი მზრუნველობა და შესაბამისად, მისი ინდივიდუალური განვითარების გეგმის წარმოება.

2023 წელს (დეკემბრის მდგომარეობით), ახალგაზრდების განვითარების პროგრამის ფარგლებში, თბილისში მთლიანობაში მომსახურება გაეწია 33 ახალგაზრდას, ხოლო ქუთაისში 15 ახალგაზრდას.

3. მოწყვლადი ახალგაზრდების ცხოვრებისეული, მეწარმეობისა და დასაქმებისთვის საჭირო უნარების განვითარების მხარდაჭერა

3.1. პროექტი „ახალგაზრდების თვითგამორკვევის, კეთილდღეობისა და დასაქმების ხელშეწყობა“

2022 წლის 1 ნოემბრიდან, საქართველოში, ყირგიზეთსა და ბელორუსიაში დაიწყო 38-თვიანი (2022-2025) პროექტი „ახალგაზრდების თვითგამორკვევის, კეთილდღეობისა და დასაქმების ხელშეწყობა“, რომელსაც გერმანიის ეკონომიკური თანამშრომლობისა და განვითარების ფედერალური სამინისტროსა (BMZ) და ჰერმან გმაინერის გერმანიის ფონდის დაფინანსებით ახორციელებს SOS Children's Villages International.

პროექტის მიზანია თბილისში, შიდა ქართლისა და კახეთის რეგიონების რამდენიმე მუნიციპალიტეტში მცხოვრები მოწყვლადი ახალგაზრდების დასაქმების შესაძლებლობების გაზრდა და ადგილობრივ შრომის ბაზარზე, მათ დასაქმებასა და თვითდასაქმებაში დახმარება.

აღნიშნული პროექტის ადგილობრივი პარტნიორები არიან: „კახეთის სამხარეო განვითარების ცენტრი“, საზოგადოება „ბილიკი“, „გორის კეთილდღეობისა და განვითარების ცენტრი“ და საკონსულტაციო კომპანია „მაინდვორქსი“.

საქართველოსთან მიმართებით, პროექტის ფარგლებში მთლიანობაში დაგეგმილია 250 პირდაპირი, ხოლო 30 არაპირდაპირი ბენეფიციარი ახალგაზრდის დახმარება.

რაც შეეხება 2023 წლის სტატისტიკურ მონაცემებს:

- საერთაშორისო ორგანიზაცია „Aflatoun“-ის მტკიცებულებაზე დაფუძნებული პროგრამის - „Next Economy“ ფარგლებში, 10 სპეციალისტმა გაიარა მასტერ ტრენინგი და თითოეულ მათგანს მიენიჭა მასტერ ტრენერის სტატუსი.
- საერთაშორისო ორგანიზაცია „Aflatoun“-ის მტკიცებულებაზე დაფუძნებული პროგრამის - „Next Economy“ ფარგლებში, პროექტის 18 სპეციალისტმა გაიარა სხვადასხვა ტრენინგი.
- ითარგმნა „Aflatoun“-ის მტკიცებულებაზე დაფუძნებული სასწავლო პროგრამის [“Next Economy”] სამი მოდული და შემდეგ კი გაკეთდა მისი კონტექსტუალიზაცია. აღნიშნულ პროცესში ჩართული იყვნენ მოწვეული ექსპერტები.
- 121 ახალგაზრდამ აქტიური მონაწილეობა მიიღო საერთაშორისო ორგანიზაცია „Aflatoun“-ის მტკიცებულებაზე დაფუძნებული სასწავლო პროგრამის - „Next Economy“ თემატიკაზე დაკავშირებულ ტრენინგებში და შესაბამისად, შეიძინა დასაქმებისთვის საჭირო უნარები.

- 125 ახალგაზრდამ დასაქმების კონსულტანტისა და ქოუჩის დახმარებით მიიღო სხვადასხვა მომსახურება.
- პროექტის 29 მონაწილემ წარმატებით დაასრულა მეწარმეობის ტრენინგის პროგრამა, რაც მნიშვნელოვნად აძლიერებს მათ სამეწარმეო უნარებს.
- საერთაშორისო ორგანიზაცია „Aflatoun“-ის მტკიცებულებაზე დაფუძნებული სასწავლო პროგრამის „Next Economy“ თემატიკაზე დაკავშირებულ ტრენინგში მონაწილეობა მიიღო 7 ახალგაზრდამ. თითოეულმა მათგანმა წარმატებით დაასრულა პროფესიული სწავლების კურსი და მოკლევადიანი სტაჟირების პროგრამის საშუალებით, დაეუფლა დასაქმებისთვის საჭირო უნარებს.

4. ადვოკატირება

გაეროს ბავშვის უფლებათა კონვენციისა და საქართველოს კანონის „ბავშვის უფლებათა კოდექსის“ პრინციპების დაცვით, ასოციაცია “საქართველოს ეს-ო-ეს ბავშვთა სოფელი” ადვოკატირებას უწევს ბავშვთა უფლებების დაცვას და დარწმუნებულია, რომ ბავშვის განვითარება და სრულფასოვან პიროვნებად ჩამოყალიბება შესაძლებელია მხოლოდ ოჯახურ გარემოში.

ორგანიზაციაში არსებობს სტრატეგია, რომელიც ფოკუსირებულია ბავშვთა კეთილდღეობის პოლიტიკისა და პრაქტიკის გაუმჯობესებაზე. ადვოკატირების სტრატეგიის მიზნების გათვალისწინებით, მუდმივ რეჟიმში ხდება დიალოგი პოლიტიკის შექმნელებთან და მიმდინარეობს აქტიური თანამშრომლობა, როგორც ბავშვთა კეთილდღეობის სფეროში მომუშავე საერთაშორისო და ადგილობრივ არასამთავრობო ორგანიზაციებთან, ისე საზოგადოებრივ ინსტიტუტებთან.

**ასოციაცია „საქართველოს ეს-ო-ეს ბავშვთა სოფელი“
2023 წლის ფინანსური ანგარიში**

ბალანსი 2023 წლის 31 დეკემბრის მდგომარეობით

აქტივები	31.12.2023 ლარი	31.12.2022 ლარი
გრძელვადიანი აქტივები		
არამატერიალური აქტივები	48,702	62,339
ძირითადი საშუალებები	11,398,725	11,660,595
მთლიანი გრძელვადიანი აქტივები	11,447,427	11,722,934
მარაგები	37,148	39,254
მოთხოვნები	714,746	835,813
ფული და ფულის ექვივალენტი	2,159,892	1,871,066
მთლიანი მიმდინარე აქტივები	2,911,787	2,746,133
სულ აქტივები	14,359,213	14,469,067
აკუმულირებული ფონდები და ვალდებულებები		
აკუმულირებული ფონდები		
შეუზღუდავი ფონდები	11,503,665	11,342,483
მთლიანი აკუმულირებული ფონდები	11,503,665	11,342,483
გრძელვადიანი ვალდებულებები	0	0
ფონდები სატრასტო მართვაში	165,083	213,365
გრძელვადიანი უზრუნველყოფის ფონდი (რეზერვი)	2,262,268	2,349,945
შეზღუდული ფონდები	300,108	385,040
მიმდინარე ვალდებულებები	2,427,351	2,563,310
მთლიანი გრძელვადიანი ვალდებულებები	2,727,460	2,948,351
ვალდებულებები მომწოდებლების წინაშე	128,088	178,234
ვალდებულებები თანამშრომლების წინაშე		
მთლიანი მიმდინარე ვალდებულებები	128,088	178,234
სულ აკუმულირებული ფონდები და ვალდებულებები	14,359,213	14,469,067

**საქმიანობის ფინანსური შედეგების ანგარიშგება
2023 წლის 31 დეკემბრის მდგომარეობით**

	31.12.2023	31.12.2022
შემოსავალი	ლარი	ლარი
შემოსავალი საზღვარგარეთიდან	6,892,183	6,681,205
შემოსავალი მხარდამჭერი და განვითარების ხელშეწყობი ასოციაციებიდან მიმდინარე ხარჯებისთვის	6,892,183	6,681,205
შემოსავალი მხარდამჭერი და განვითარების ხელშეწყობი ასოციაციებიდან მშენებლობის პროექტებისთვის		
ადგილობრივი შემოსავალი	2,322,103	2,172,356
ადგილობრივი შემოსავალი მიღებული ფონდების მოზიდვით	218,119	306,218
სახელმწიფო სუბსიდიები და გრანტები	1,976,442	1,773,013
საოპერაციო ადგილობრივი შემოსავალი	14,766	3,809
სხვა ადგილობრივი შემოსავალი	112,776	89,316
სულ შემოსავალი	9,214,286	8,853,560
ხარჯები		
პროგრამული/პროექტის დანახარჯები	(7,225,087)	(7,305,094)
ადმინისტრაციული დანახარჯები	(2,244,664)	(2,094,539)
ფონდების მოზიდვასთან დაკავშირებული დანახარჯები	(60,613)	(14,869)
სხვა დანახარჯები	(727,785)	(694,505)
სულ დანახარჯები	(10,258,150)	(10,109,006)
სახსრების ტრანსფერი საოპერაციო შემოსავალში საზღვარგარეთიდან	0	0
წმინდა ნამატი/დეფიციტი საოპერაციო საქმიანობიდან	(1,043,864)	(1,255,446)
შემოსავალი/დანახარჯი საფინანსო საქმიანობიდან		
საპროცენტო შემოსავალი	21,166	27,610
საპროცენტო დანახარჯი	-6,665	(5,674)
სხვა ფინანსური შემოსავალი/ხარჯი	1,138,657	996,797
გაცვლითი კურსით გამოწვეული მოგება/ზარალი	51,889	(151,981)
სულ საფინანსო საქმიანობიდან მიღებული შედეგი	1,205,047	866,752
წმინდა ნამატი/დეფიციტი გადასახადამდე	161,183	(388,694)
მოგების გადასახადის ხარჯი	-	-
გადასახადების შემდეგ ნამატი/დეფიციტი	161,183	(388,694)

**ფულადი ნაკადების მოძრაობის ანგარიშგება
2023 წლის 31 დეკემბრის მდგომარეობით**

	31.12.2023 ლარი	31.12.2022 ლარი
ფულის მოძრაობა საოპერაციო საქმიანობიდან		
ნამატი გადასახადის გადახდამდე კორექტირებები:	161,183	(388,694)
საწყისი ნაშთის კორექტირება	-	-
ამორტიზაცია	676,853	661,162
ქონების, მანქანა-დანადგარების რეალიზაცია	50,932	33,343
აფასება	-	-
საოპერაციო ნამატი საბრუნავ კაპიტალში ცვლილებამდე	888,968	305,810
ცვლილებები დებიტორულ დავალიანებაში	121,066	(372,019)
ცვლილებები მარაგებში	2,106	1,927
ცვლილებები კრედიტორულ დავალიანებაში	(271,036)	(132,900)
წმინდა ფული საოპერაციო საქმიანობიდან	741,104	(197,182)
ფულის მოძრაობა საინვესტიციო საქმიანობიდან		
ძირითადი საშუალებების შეძენა	(452,278)	(276,926)
არამატერიალური აქტივების შეძენა	-	-
კორექტირება ძირითად საშუალებებში	-	-
წმინდა ფული გამოყენებული საინვესტიციო საქმიანობაში	(452,278)	(276,926)
ჯამური ფულის მოძრაობა	288,826	(474,108)
ფულის და ფულის ექვივალენტების წმინდა ცვლილება	288,826	(474,108)
ფული და ფულის ექვივალენტები პერიოდის დასაწყისში	1,871,066	2,345,174
ფული და ფულის ექვივალენტები პერიოდის ბოლოს	2,159,892	1,871,066